

憐共私父還到舍共母然父理之後園誑他

道父未還天雷磔父屍出然後磔平身身上

具題因緣親隣告官聞徹天聽勃然裴氏暴

屍不聽取埋右二見李歸心錄也

隋大業中河南人婦女養姑不孝姑兩目盲

婦以蚯蚓為羹以食之姑恠其味竊藏一嚮

留以示兒兒還見之欲送婦向縣未及而雨

雷震失其婦俄而婦從空落身衣如故而易

其頭為白狗頭言語不異問其故答云以不

孝姑為天神所罰夫以送官時乞食於市復

不知所在右一驗出真報記

二十五

虞相刊

法苑珠林卷第四十九

漆九

躐於敢反然也捕功音勞也睽反失舟漿音穀菰反落果玻

疋何瓌反層佞反達反渠追反菴音附答反丑知反撒反胡

音符啞音伊鱗反計反喇音充同反瞎音呼錄反

勲反力丁反縑音但近反也反掌經局僧惟規募緣

都勸緣成忠郎趙

安國

法苑珠林卷第五十

漆十

大唐上都西明寺沙門釋道世字玄暉撰

報恩篇第五十一此卷二部背恩篇第五十二

述意部第一 蓋聞三寶恩重慈蔭四生化

育十方等同一子機無細而不臨智有來而

必撫遂使優填刻像鬱今浮光斯匿鑄形超

然避席自茲厥後靈瑞倍興嘉聲弥盛靡草

從風念則罪滅福生敬則德隆終古良由

如來長我法身父母養我生身既修長壽之

因必存蜉蝣之命恩義深重特須思報也

引證部第二 如正法念經云有四重恩

甚為難報何等為四一者母二者父三者如

來四者說法法師若有供養此四種人得無

量福現在為人之所讚歎於未來世能得菩

提 又大般若經第四百四若有問言誰是

知恩能報恩者應正答言佛是知恩能報恩

者何以故一切世間知恩報恩無過佛故

又增一阿含經云尔時世尊告諸比丘若有

衆生知返復者此人可敬小恩尚不忘何況大恩設離此間百千由旬猶近我不異我恒歎譽若有衆生不知返復者大恩尚不憶何況小恩彼非近我我不近彼正使被僧伽梨在吾左右此人猶遠是故比丘當念返復莫學無返復 又舍利弗問經云佛言夫受戒隨其力辦可以爲施不限多少文殊師利白佛言云何如來說父母恩大不可不報又言師僧之恩不可稱量其誰爲最佛言夫在家者孝事父母在於膝下莫以報生長與之等以生育恩深故言大也若從師學開發知見次恩大也夫出家者捨其父母生死之家入法門中受微妙法師之力也生長法身出功德財養智慧命功莫大也追其所生乃次之耳 又中陰經佛問弥勒闍浮提兒生墮地乃至三歲母之懷抱爲飲幾乳弥勒荅曰飲乳一百八十斛除母腹中所食四分東弗于逮兒生墮地乃至三歲飲乳一千八百斛西

拘耶尼兒生墮地乃至三歲飲乳八百八十斛北鬱單越兒生墮地坐着陌頭行人授指嗽指七日成人彼土無乳中陰衆生飲吸於風古人用其小斗堆今唐斗一斗當舊三斗故乳似多 又難報經云左肩持父右肩持母經歷千年便利背上猶不能報父母之恩又增一阿含經云孝順供養父母功德果報與一生補處菩薩功德一等 又佛說古來世時經云吾昔在波羅柰國穀米勇貴人民飢饉我負擔草賣以自活彼有緣覺名曰和理來遊其國我早出城欲擔負草尔時緣覺着衣持鉢入城分衛至於中道吾負草還於城門中復與相遇空鉢而出和理緣覺遙見吾來即自念言吾早入城此人出城今負草還想朝未食吾當隨後往詣其家乞以過飢我時擔草自還其舍下草着地願見緣覺追吾之後如影隨形我時心念朝出城時見此緣覺入城分衛如空鉢還想未獲食吾當斷食以奉施之即持食出長

跪授之道人愍受其緣覺曰今穀米飢貴人民虛餓分爲二分一分着鉢一分自食爲應法亦施主報之唯然聖人願徐食之早晚無在道人願受加哀一門時彼緣覺悉受飯食吾因是德七反生天爲諸天王七反在世人中之尊因此一施爲諸國王長者人民群臣百官所見奉事四輩道俗所見供養自來求吾吾無所須 又佛升忉利天爲母說法經云佛在忉利天歡喜園中波利質多羅樹下三月安居四衆圍繞身毛孔中放千光明普照三千大千世界摩耶夫人聞已乳自流出若審是我所生悉達多者當令乳汁直至於口

添

未林五十一

三

卅

道寶塔中央闍浮檀金左用瑠璃右用碼磧欄楯雕鏤極爲嚴麗佛語摩耶生死之法會必有離我今應下還闍浮提不久亦當入於涅槃摩耶垂淚說偈爾時卅尊與母辭別下躡寶塔梵天王執蓋及四天王侍立左右四部大衆歌頌讚歎天作伎樂充塞虛空散華燒香導從來來闍浮提其王波斯匿等一切大衆集在寶塔誓首奉迎佛還祇洹處師子座四衆圍遶歡喜踊躍不可具說 又觀佛三昧經云父王白佛當往忉利天爲母說法佛言當如輪王行法問訊檀越時持地菩薩入首楞嚴定從金剛際作金剛華華華相次四龍各持七寶臺持地爲佛作三道寶塔卅尊至已入宮白毫相光化作七寶蓋覆母上作七寶牀奉令坐 又六度集經云替者菩薩爲大理家積財巨億常奉三寶慈向衆生觀市觀鬻心悼之焉問價貴賤鬻主知菩薩有普慈之德答曰百萬菩薩答曰大善將鬻

歸家臨水放之觀其游去悲喜誓曰衆難命全如尔今也廣起弘願諸佛讚善鼈於後夜來齧其門惟門有聲便出見鼈語菩薩曰吾受重潤身得獲全無以荅恩水居之物知水盈虛洪水將至必爲巨害矣願速嚴舟臨時相迎荅曰大善明晨詣門如事啓王王以菩薩宿有善名信用其言遷下處高時至鼈來洪水至矣可速下載尋吾所之可獲無患舩尋其後有蛇趣舩菩薩曰取鼈云大善又覩漂狐曰取鼈云亦善又覩漂人博頰呼天哀濟吾命曰取鼈曰慎無取也凡人心偽甚有終信背恩追勢好爲凶逆菩薩曰虫類尔濟

卷五十一

末五十一

四

方

求穴以自安獲金百斤斯穴非家非冢非劫非盜吾精誠之致願以貢賢菩薩深惟不取徒損無益於貧民可以布施衆生獲濟不亦善乎尋而取之漂人覩焉曰分吾半矣菩薩即以十斤惠之漂人曰尔掘冢劫金罪應柰何不半分之吾必告有司荅曰貧民困者吾欲等施尔欲專之不亦偏乎漂人遂告有司菩薩見拘無所告訴唯歸命三尊悔過自責慈願衆生早離八難莫有怨結如今吾也蛇狐會曰柰何斯事蛇曰吾將濟之遂銜良藥開關入獄見菩薩狀顏色有損愴而心悲謂菩薩言以藥自隨吾將辭太子其毒尤甚莫能濟者賢者以藥自聞傳即瘳矣菩薩默然蛇如所云太子命欲將殞王令曰有能濟茲封之相國吾與參治菩薩上聞傳之即瘳王喜問其所由本未自陳王悵然自咎曰吾闇甚哉即誅漂人大赦其國封爲相國執手入宮並坐談論佛法遂致太平佛告諸沙門理

卷五十一

末五十一

五

方

家者是吾身國王者彌勒是鼈者阿難是狐者秋鷺子是蛇者目連是漂人者調達是菩薩慈惠度無極行布施如是 又新婆沙論云魯捷馱羅國迦膩色迦王有一黃門恒監內事暫出城外見有群牛數盈五百來入城內問驅牛者此是何牛荅言此牛將去其種於是黃門即自思忖我宿惡業受不男身今應以財救此牛難遂償其價悉令得脫善業力故令此黃門即復男身深生慶悅尋還城內佇立宮門附使啓王請入奉現王令喚入恠問所由於是黃門具奏上事王聞驚喜厚賜珍財轉授高官令知外事頌曰

盛哉能仁 悲救為先 乘機赴感 鞠養慈憐
狐金蛇賞 闍人身全 知恩報德 幽冥應焉
感應緣略引四驗 宋時吳子英春

宋時有人念佛免難 宋時渤海陳裴

唐并州石壁寺僧

宋吳子英春者舒鄉人善入水捕得赤鯉魚

愛其色好持歸不煞養之池中數飼以米穀食之一年長丈餘遂生角有翅子英怖拜謝之魚言我來迎汝上我背與汝俱升天歲來歸見其妻子魚復迎之如此有七十人故吳中門戶並作神魚子英祠右此一驗出列仙傳 宋有一國與羅刹相近羅刹數入境食人無

度王與羅刹約言自今以後國中家各專一日當分送往勿復枉殺有奉佛家唯有一子始年十歲次當充行父母哀號使至心念佛爰及宗親助子屬想便送此兒辭別捨之以佛威神力大鬼不得近明日見子尚在歡喜同歸於茲遂絕國人嘉慶慕焉右一驗出幽明錄

宋酒泉郡太守到官無幾輒卒死後有渤海陳裴見使此郡裴憂愁不樂就卜者占其吉凶卜者曰遠諸侯放伯裘能解此者則無憂裴仍不解此語卜者報曰但去自當解之裴既到官侍監有王侯平有史侯董侯等裴心悟曰此所謂諸侯矣乃遠之即卧思放伯裘

係

宋并五十一

六

方

之義不知何謂至夜半後有物來上裴被上裴覺以被冒取之其物跳踉訇訇作聲外人聞持火入欲煞之魅乃言曰我實無惡意但欲試府君耳聽一相赦當深報府君恩府君曰汝為何物而忽干犯太守魅曰我本百歲狐也今變為魅乎垂化為神而正觸府君威怒甚遭困厄聽一放我我字伯裘若府君有急難但呼我字則自解矣裴乃喜曰卜真放伯裘之義即便放之小開被忽然有赤光如震電從戶出明日夜有敲戶者裴問曰誰答曰伯裘問曰何為答曰白事問曰白何事答曰北界有賊發奴也裴案發則驗每事先以語裴於是境界無毫毛之奸而咸曰聖君出後經月餘主簿李音共裴侍婢私通既而驚懼慮伯裘來白遂與諸侯謀煞裴却為傍無人便使諸侯持杖直入欲格煞之裴惶怖即呼伯裘來救我即有物如申一疋絳課然作聲音侯伏地失魂乃以次縛取之考問來意

故皆服首後月餘日與裴辭曰今得為神矣當上天去不得復與府君相見往來遂去不見也右此一驗出唐并州石壁寺有一老僧禪誦為業精進練行貞觀末有鴿巢其房楹上哺養二鷓法師每有餘食恒就巢哺之鴿鷓後雖漸長羽翼未成乃並學飛俱墜地而死僧並收瘞之經旬後僧夜夢二小兒白之曰兒等為先有少罪遂受鴿身比來聞法師讀法華經及金剛般若經既聞妙法得受人身兒等今於此寺側十餘里某村某姓名家託生為男十月之外當即誕育僧乃依期往視見此家一婦人同時誕育二子因為作滿月齋僧呼為鴿兒兩兒並應之曰諾一應之後歲餘始言此一驗出真報拾遺報恩事廣不可具述背恩篇第五十二此有二部述意部第一蓋聞四生沉溺必假舟航六趣昏迷本憑獎導是故三寶大慈俯應蒼民曲垂提引令脫苦難況復違背重恩豈不永沉苦海是故婦

人鴆毒夫蒙王賞樵人害熊現報辭落良由
違恩業重現受交報故智度論云知恩者大
悲之本開善業之初門人所愛敬名譽遠聞
死得生天終成佛道不知恩者甚於畜生也
引證部第二 如百喻經云昔有一婦荒媼
無度欲情既盛疾惡其夫每思方策規欲殘
害種種設計不得其便會值其夫騁使隣國
婦密為計造毒藥丸欲用害夫詐語夫言介
今遠使慮有乏短今我造作五百歡喜丸用
為資糧以送於介介若出國至他境界飢困
之時乃可取食夫用其言至他界已未及食
之於夜暗中止宿林間畏懼惡獸上樹避之
其歡喜丸忘置樹下即以其夜值五百偷賊
盜彼國王五百疋馬并及寶物來止樹下由
其逃突盡皆飢渴於其樹下見歡喜丸諸賊
取已各食一九藥毒氣盛五百群賊一時俱
死時樹上人至天明已見此群賊死在樹下
詐以刀箭斫射死屍收其鞍馬并及財寶駈

向彼國時彼國王多將人眾尋跡來逐會於
中路值於彼王彼王問言介是何人何處得
馬其人荅言我是某國人而於道路值此群
賊共相斫射五百群賊今皆一處死在樹下
由是之故我得馬及以珍寶來投王國若不
見信往看賊之瘡痍然害處所是王即遣親
信往看果如其言王時欣然歎未曾有既還
國已厚加爵賞封以聚落彼王舊臣咸生妬
嫉而白王言彼是遠人未可信伏如何卒介
寵遇過厚至於爵賞逾越舊臣遠人聞已而
作是言誰有勇健能共我試請於平原校其
伎能舊人愕然無敢敵者後時彼國大曠野
中有惡師子截道煞人斷絕王路時彼舊臣
詳共議之彼遠人者自謂勇健無能敵者今
復若能煞彼師子為國除害真為奇特作是
議已便白於王王聞是已給賜刀杖尋即遣
之介時遠人既受勅已堅強其意向師子所
師子見之奮噉音訓嗚吼騰躍而前遠人驚怖

即便上樹師子張口仰頭向樹其人怖急失所捉刀落師子口師子尋死尔時遠人歡喜踊躍來白於王王倍寵遇時彼國人率尔敬服咸皆讚歎 又諸經要集云有人入林伐木迷惑失心時值大雨日暮飢寒惡虫毒獸欲侵害之是人入石窟中有一大熊見之怖出熊語之言汝勿恐怖此舍溫暖可於中宿時連雨七日常以甘果美水供給此人七日雨止熊將此人示其道徑熊語人言我是罪身多人怨家若有問者莫言見我人答言尔此人前行見諸獵者問汝從何來見有眾獸不答言見一大熊於我有恩不得示汝獵者九言汝是人黨以人類相觀何以惜熊今一失道何時復來汝示我者我與汝多分此人心變即將獵者示熊處所獵者熟熊即以多分與之此人展手取肉二肘俱墮獵者言汝有何罪答曰是熊看我如父視子我今背恩將是罪報獵者恐怖不敢食肉持施眾僧上座

是羅漢語諸下座此是菩薩未來出世當得作佛莫食此肉即時起塔供養王聞此事勅下國內背恩之人無令住此新婆沙論云時肉共取香薪焚燒其肉收其餘骨起宰塔波禮拜供養如事佛塔又九色鹿經云昔者菩薩身為九色鹿其九種色角白如雪常在恒水邊飲食水草常與一鳥為知識時水中有一溺人隨流來下或出或沒仰頭呼天山神樹神諸天龍神何不愍我鹿聞下水救之語言汝可騎我背捉我角負出上岸溺人下地遶鹿三匝向鹿叩頭乞為大天作奴給其使令採取水草鹿言不用且各自去欲報恩者莫道我在此人貪我皮角必來煞我時國王夫人夜夢見九色鹿即詐病不起王問何以答曰我昨夜夢見非常之鹿其毛九種色其角白如雪我思欲得其皮作坐縵其角作拂柄王當為我得之王若不得我將死矣王募國中若有能得當分國而治賜其金鉢盛滿銀粟賜其銀鉢盛滿

金粟溺人聞之欲取富貴念言鹿是畜生死法何在往至王所言知鹿處王大歡喜言汝若能得其皮角來者報之半國溺人面上即生癩瘡溺人言大王此鹿雖是畜生大有威神王宜多出人兵乃可得耳王即大出人衆徑到恒水邊鳥在樹頭見人兵來即呼鹿言知識且起王兵來至鹿故熟眠卧不覺鳥下啄耳鹿方驚覺四向碩望無復走地便往趣王車邊傍臣欲射王曰莫射此鹿非常將是天神鹿言大王且莫射我我前活王國中一人鹿復長跪問王言誰道我在此王便指示車邊癩面人是也鹿即仰頭視此人面眼中淚出不能自勝此人前溺在水中我不惜身命自投水中負此人出約不相道人無反復不如出水中浮木也王有愧色汝受其恩奈何反欲煞之即下勅國中若有駭逐此鹿者當誅五族衆鹿數千皆來依附飲食水草不侵禾稼風雨時節五穀豐熟人無疾病其卅

太平時九色鹿我身是也鳥者阿難是也國王者今父王悅頭檀是也時王夫人者今孫陀利是也時溺人者調達是也我雖有善心向之故欲害我難有意至 又雀王經云昔者菩薩身為雀王慈心濟衆由護身瘡有虎食獸骨挂其齒困飢將終雀王入口啄骨日日若茲雀口生瘡身為瘦羸骨出虎活雀飛登樹說佛經曰然為凶虐其惡莫大虎聞雀誠勅聲勃然恚曰尔始離吾口而敢多言雀觀其不可化退速飛去佛言雀王者是吾身虎者是調達身 又雜寶藏經云時提婆達心常懷惡欲害世尊乃雇五百善射婆羅門使持弓箭詣世尊所挽弓射佛所射之箭變成諸華五百婆羅門見是神變皆大怖畏即投弓箭禮佛懺悔佛為說法皆得須陀洹道復白佛言願聽我等出家學道佛言善來比丘鬚髮自落法服着體重為說法得阿羅漢道諸比丘白佛言世尊神力甚為希有提婆達多常欲

漆

朱林五十一

十一

五

害佛然佛恒生大慈佛言非但今日如是於過去時波羅奈國有一賈主名不識恩共五百賈客入海採寶得寶還返到淵迴處遇水羅刹而捉其船不能得前衆賈人等極大驚怖皆共唱言天神地神日月諸神誰能慈救濟我也有一大龜背廣一里心生悲愍來向船所負載衆人即得渡海時龜小睡不識恩者欲以大石打龜頭然諸賈人言我等蒙龜濟難活命然之不祥不識恩也不識恩曰我儕飢急誰能念恩輒便然龜而食其肉即日夜中有太群象踰然衆人亦時大龜我身是也亦時不識恩者提婆達多是也五百賈人者五百婆羅門出家得道是也我於往昔濟彼厄難今復拔其生死之患也 又佛說旃檀樹經云佛告阿難諦聽執受時維耶梨國有五百人入海採寶置船步還經歷深山日暮止宿豫嚴早發四百九十九人皆引去一人卧熟失伴仍遇天雨雪失去徑路窮厄山

中啼哭呼天有大旃檀香樹樹神謂窮人言可止留此自相給衣食到春可去窮人便留至于三月啓樹神言受恩得全身命未有微報願有二親今在本土實思得還願乞發遣樹神言善便自從意以金一餅賜之去此不遠當得還邑窮人臨去問樹神言此樹香潔世所希有今當委還願知其名神言不須問也窮人復言依陰此樹積歷三月若到本國當宣樹恩神便報言樹名旃檀根莖枝葉治人百病其香遠聞世之奇異人所貪求不須道也窮人還至國中親族歡喜後無幾聞國王病頭痛禱祀天地山水諸神病不消差名醫省視唯得旃檀香以護病得愈王即募求民間無有便宣令國中得旃檀香者拜爲封侯妻以王女時窮人聞賞祿重便詣王所白言我知旃檀香處王便令匠臣將窮人往伐取香樹至到樹所使者見樹洪直枝條茂盛華果煌煌以希見故心不忍伐不伐者則違

添

朱林五十

十二

王命躊躇徘徊不知云何樹神空中言曰便伐但置其根伐已以人血塗之肝腸覆其上樹自當生還復如故使者聞神言如此便令人伐之窮人住在樹邊樹枝踣地標煞窮人使者便與左右議言向者樹神言當得人血肝腸以祠樹心不知當以誰賽此人令死便以當之則屠割之取其肝血如神所勅樹即便生如本無異車載伐樹以還國中醫即進藥王病得愈舉國歡喜王命國中人民其有病者皆出香給病皆得愈舉國欣欣遂致太平阿難退坐稽首實言是窮人何無反復違樹神重誓佛報曰乃往昔維衛佛時有父子三人其父奉行齋戒未曾懈怠大兒常於中庭空中燒香供養十方諸佛小弟愚癡不知三尊輒以衣覆香上兄謂弟言此事大重何以犯之弟起惡言誓言斷兄兩足兄復起念當拍煞弟父言汝二子諍使我頭痛大兒報言願破我身為藥令父平損口妄言故世世

受罪弟與惡意欲斷兄足後果將人往斷樹身兄欲拍煞弟今作樹神果因樹為體拍煞弟身時國王頭痛者其父也奉齋精進故得尊貴時言使我頭痛者後果頭痛各受其殃佛言罪福報應如影隨形頌曰

大悲愍濟 德重乾坤 恩深父母 義越君臣

忠孝盡命 猶難報息 如違厥理 交喪其身

法苑珠林卷第五十 漆十

蚪音浮游音遊嗽音叫躊音躊躇音稠踏音直反音盧俳音裴徊音回旬音反

奉

三寶弟子呂頤正發心捨田為局逐年刊經祈求福利保扶父子茂疾病消除增延壽業者